



二六集
初編
一至

和
1393

屬附學大田稻早	
館書圖	
寄第 一	
漢詩文	
第 418 號	
第 1 卷	
出帶許不外館書此	



居南文
也。夫既有時矣。夫既擇居矣。猶將其
人誠之不至。何以得取信上下。使物
嚮其化哉。故曰。誠者。非自成已而已
也。所以成物也。不誠無物。合外內之
道也。是其相須也。有良田美地。而待
雨露之時。然後鎡基可施也。吾友周
南縣次公。益嘗受其家學。弱冠講業

東都會物先生修古業之初。次公至
則與滕東壁。乃入其室。贊成其事。亾
幾物子之學隆興。四方踵至。鑪捶所
及。稱多得人。遂至海內。鑽仰言其學
者。至今不絕。則次公之爲有力也。次
公前旣業成。辭歸長門。會其君好學。
乃欲設學校。益崇教化。次公歸。則與



故老師傳贊成其事。亾幾泮水之宮。巍然中國。然後藏書設教。使生徒修息於其間。俎豆之容。絃誦之聲。俊秀濟濟。日將月就。虛而入。實而出者。自其國中。施及他邦。遂至未數年。身通六藝者。不可勝計。率長門闔國之學者。可兼兩都諸國。相抗衡矣。至今他

國來取法。稱仰俗美。則次公之爲有力也。是其大造於西也。其化雖及天下。可也。茲惟次公遇物先生時也。遭其君興學。亦時也。而長門俗敦。趣學易道。居之得也。不然。次公之學。雖已成誠。及其成物。豈能如是。大乎哉。亦唯天之命。次公。俾其單厚如此。次公

既沒其徒以遺集示余先是次公臨
 病革作書貽余亦託其遺文之事也
 久要不怠謀及耄夫余乃泣受之潛
 然卒業速反其徒相勸上木斯集也
 文之教也次公所得可觀乃今傳之
 通邑大都言之文行之也益遠矣大
 乎哉

寶曆五年秋八月

東都 服元喬



寶觀正平林八月

周南先生文集總目錄

卷之一

五言古十六首

七言古六首

卷之二

五言律三十首

卷之三

七言律五十三首

卷之四

五言絕句十三首

七言絕句百二十三首

卷之五

卷序十三首

卷之六 詩四十三首

卷序十六首

卷之七 詩五十三首

卷記十首

卷之八 詩三十首

卷傳三首

墓表二首 六首

小言古六首

卷之九

周南贊十六首 詩目錄

銘三首

論二首

題跋十三首

讀三首

說二首

祭文四首

講義一首

策問三首

功令一首

筆語八首

卷之十

書牘四十三首

周南先生文集總目錄終

周南先生文集卷之一

長門 山縣孝孺次公 著

鳳凰 五采 文子 休 一 吟 男 泰恒 伯恒 輯

古風 一 篇 門人 喜山 縣魯彥子祺 校

五言古

昭君怨 十解

人言闕氏貴勝為漢官人與為闕氏貴寧為官人淪

朔風驚原野白露結為霜宮階多宿草霜降猶爾蒼

誰道予薄命予命實不微脩飾辭官闕君王為予啼

紆軫內自傷潺湲淚沾裳如憫予羈旅作樂噪予傍

昔為浚宮媵。今為穹廬嬪。日月揚光華。不照窮愁人。
 南登白龍堆。瞻望長安路。瞻望何可及。淚零若雨露。
 飛鴻能上天。非羨能上天。願得千里馬。一日至長安。
 單于獻良馬。漢廷賜王嬙。胡馬嘶北風。王嬙悲故鄉。
 自出塞門後。琵琶不成音。非關方寸亂。胡地自多陰。
 傍人悲我死。我死何足悲。一死不復生。無入玉關期。

古風一篇聊記觀鳳喜呈朝鮮諸詞伯

鳳凰五采文。毛羽一何奇。粲粲赤珊瑚。頭上青瑠璃。
 朝飛丹穴山。濯翼弱水湄。滄海秋風起。浮雲西北馳。
 海岸生瓊樹。結實何離離。日出東南隅。光輝扶桑枝。

紅霞若渥丹。浩波渺無涯。璆琳與琅玕。翹條各參差。
 天衢一顧返。奮翼忽來儀。眇眇以適意。鏘鏘揚采眉。
 小音飛韶濩。大音翻咸池。回風拂地來。雲影且祁祁。
 燕雀鷓鴣鳩。斂翅以委靡。百禽喁晰歇。相率復何為。
 良期不可淹。飄飄遠將辭。西翔崑崙圃。降飲濛汜瀦。
 窈冥何可攀。汎濫靡所隨。聖世亮一見。阿閣不可
 思。誰截嶰谷竹。與爾奏雄雌。

集倉實操宅分得故字

七月流火燦灑氣。降昏暮披襟倚玉壺。風露繞琪樹。
 玄論珠璣凝。微音鸞鳳聚。泠泠陟丹丘。飄飄躡玄圃。

既欲濯塵纓。屢起斟清醑。肺腸何有翰。風流信可慕。
與君紉芷蘭。千秋永不故。

鴻鵠歌贈熊生

誰知鴻鵠志。且為燕雀行。一朝青雲上。搏擊萬里長。
一擊北溟駭。再擊南溟翔。誰知鴻鵠志。且為燕雀行。
突起桑榆下。斥鷃與相將。斥鷃雖微眇。既不矰繳傷。
聊以保軀命。胡為自飛揚。

與同僚諸子集在川滕君講學及晚賦詩分得

玩字天野隆政號在川

秋風入閣閑。蒹江揚素瀾。西望控滄溟。萬里且澔澔。

烈士尚廉潔。高人好遊觀。在川一何美。結屋傍東岸。
雷雨繞檐楹。涼氣凜可盥。楚楚金罍樽。瑤盤青玉案。
對此不堪休。秉燭宴以衍。余欲忤所懷。為君復摛翰。
荏苒歲聿莫。立功在茲旦。持志不堅確。萬物將爾玩。

贈隱者箕溪子

何為辟世者。飄然終長往。草木曷可處。麋鹿匪儔黨。
空谷桂樹生。脩臯芷蘭芬。耿介亮可嘉。幽昧復可憐。
高人畏組綬。馳騫去浩蕩。之子去何之。遊歷周九壤。
維昔魯司寇。當世保清爽。周道坦如砥。君子惡邪枉。
長幼胡可廢。君臣不可罔。

墨水泛舟作并序

丁未中元邀物先生泛舟於墨沱河子遷子和諸友咸會會者十餘人多挾蔡伯喈桓叔夏之技絃篪交奏觚翰更命僕歸期近逼恐再會難繼乃不能無索居睽離之思云

鼓楫龍山阿張樂墨沱河焱赫行蕩滌沆瀣揚滄波
飛觴稱逸興笙鼓佐棹歌秩秩賦既醉僊僊且婆娑
歡樂在今日如此良辰何譬彼隴上雲一去竟蹉跎
平生幾歲月常苦別離多一爲參與商此遊夢中過
贈服子遷平子和見訪

夏木結蔥翠嚶鳴流好音瑤華命儔匹囂樽恊敦臨
嘉會良可樂中懷有蘭金余心類風颺飄颻遠追尋
朝飛扶桑條夕宿弱水潯睠眄歷宇內宇內莽森森
回翔下相揖令德在所欽親昵侔骨肉仇離齊商參
良遇難屢得歡娛縱獻斟舒情解懷抱願言散素襟
爲歡良未央白日忽西沈服子蓋世器平子國之琛
所願保明德餘風被同衾

踰碓日嶺戊戌西歸經東山道

西登碓日嶺反顧吾孀鄉吾孀渺無極煙樹帶朝陽
征馬慘不進行人憂且傷躊躇吊古昔吾孀不可望

詠史二首

小白歸入時。齊國曾彫殘。痛哉大公社。崩圯委海堧。
 延賢怒若飢。盱食不自安。管仲舉桎梏。隰朋與蟬聯。
 七年諸侯歸。爲霸四十年。黎民受其賜。聲譽百世傳。
 偉矣鮑大夫。識鑒洞微玄。雖有管仲功。天下多知賢。
 叔孫爲綿絕。猶能止嘩喧。兩生狷介士。後世亦稱賢。
 所服尚敦朴。刑措比周先。尉佗解椎髻。匈奴不擾邊。
 蒲輪徵申公。天下何騷然。飲馬長城窟。勒石燕然巔。
 昨夜御史係。今朝丞相遷。曼倩遊方外。龍蛇從所緣。
 人望諸蓬萊。印得金馬門。

八月十四夜青松館集同諸彦玩月二首

古人秉燭遊。況是值明月。公子多文思。授簡命時哲。
 摘藻煥如玉。分光恍若雪。芝園散馥郁。芝園有栽松館
 撤炎熱。殺饑駢。圓方甌。罍亦無竭。歡樂及良辰。歌呼
 同賓列。朝覲傲朱顏。夕覲羞白髮。爲樂應及時。日月
 忽相越。世人競三五。賢主先二七。
 微微生雲間。眼眼昇中天。清暉耀萬戶。素影落百川。
 樹咸冒瓊瑤。人俱比神仙。對此誰不娛。疢疴復爲蠲。
 瞻眺經幾人。輝光無間年。良遇苦難值。歲華逝不還。
 美酒宜忘老。晤言誠可歡。終宵樂未央。明夜許蟬聯。

八月望扶病上館西風除暑明月滿座群英盡
會絃歌遞作樂焉賦之

絳帳賓朋會日暮絃歌作客有齊魯彥樂多太平樂
明月竟何意清暉遽被惹移席矚青天南方飛烏鵲
歡樂在中夜孰能勝枯杓攝齊起相辭興盡恐落莫

病後自警詩

天假爾餘筭使終爾緒業餘筭有幾許白日忽西納
譬如趨期客驅車恐躓路如濟急流舟回顧不及楫
寂寞太玄經繽紛封禪牒心愛古先法寧知覆醬瓿
琬琰揚輝光草木徒爾朽願言游海上逍遙執子手

海上有碧桃結子大如斗甘美不可言餐焉延年壽

歎逝

松柏拂雲霄勁風中路傷芳蘭被九畹雪霜摧其香
哀哉短折人抱志永沈藏玄廬黯冥冥何日觀青陽
音形忽焉滅遺藻粲成章爲詩擬曹劉著文邈馬揚
祗謂雕虫技丈夫所不彊抗志論古昔管晏何足臧
識鑒獨清遠高標聳時望苒苒豫章柯仰望架虹梁
朝露何甚脆晞消不待暘素騏慘不嘶從者竚路旁
與君從此辭哽咽摧心腸

七言古

呈朝鮮南泛叟

羨君壯遊縱天下。滄海騎鯨觀日本。蓬萊宮闕瑞
 雲生。六鼇翹首吞混沌。斗牛之墟何茫茫。浮查卽今
 天。一方投足下。探竈鼉窟舉手上。欲捧太陽豪氣橫。
 秋凌霄漢南溟北。溟擊巨翰作詩飄逸似謫仙。騏驥
 千里不可絆。海中珊瑚百千樹。鼓波成雨噴沫霧。驅
 使鬼神縛魍魅。睥睨宇宙雲衢驚。豐東郡城梧桐落。
 臨海館前潮水白。赤間屬豐東郡。古有臨海館。臨海暫鼓瑟與笙。
 顧我青眼一歡謔。握中美珠稱明月。投我光射白帝
 闕。高秋九月天氣清。西灝沈碭吹毛髮。揮毫寄意何

綢繆雖有雜珮不堪酬。交情新可結芳蘭。天地風雲

感蜉蝣。周南鄙人縣氏子。家本周州。立身覆載喻一指。爲

父牧馬長山阿。時時夾經謹諾唯。詩禮繽紛趨庭前。

家翁見爲本藩講官。辛勤多少十餘年。羽翼稍成當翱翔。忽擢

弧矢遊八埏。東都摺紳荻先生。荻先生字茂卿。東都人。一揖

吟期玉成芙蓉積。雪千秋白自是名山堪託名。富嶽一名

芙蓉誰持頑璞望夜光。獨有素質可成章。徒是縣家

舊豚犬。歲月荏苒糜大倉。曷圖託身玉山側。一朝周

旋親懿德鄉國善士不可見。天下善士更難得。君自

才子三韓英。結綬彈冠當文明。高標軒軒出人間。翰

墨鋒穎凌東京。君王啟思切雲臺。鳳閣將舉絲綸才。
 嘉運一時假吾輩。把臂相向知幾回。人情偏當當伸知。
 已浮雲聚散何甚駛。願與明月乘秋風。西飛長止漢
 水浹。

竹溪與平翁與大學生倉君有贈酬示余要和
 倉生長嘯瀛洲。阿從遊如雲。仙子多。西風蕭颯悲故
 鄉。把贈珊瑚碧樹柯。竹溪逸叟顏如玉。朱絃一奏舞
 皇娥。變調更度清商曲。天際黯淡哭鬼魔。歌終曲闋
 夜寥闕。安武城頭月婆娑。此聲當時誰得聞。空令爾
 輩首皤皤。

同賦渡湘江

鳴鞭朝陟瀟湘岸。瀟湘水浹不可渡。玄雲遮翳岳陽
 城。大風飄蕩雲夢樹。孤臣千古懷憂騷。纍魂祇今何
 處覩。義御西馳蒼梧冥。九嶷霏微天地暮。瀟湘水浹
 如何渡。臨岸佇立徒怖懼。

寄題流水園贈瀧彌八

高渠楊柳余半植。盧杭漁梁今若何。岐峰銜日耀若
 木。西山摩霄鬱嵯峨。中有長川漢為源。秋風吹波木
 葉翻。聞君開園枕川上。高山流水繞君園。君家古琴
 稱大雅。高山流水入琴心。君不見伯牙絕絃子期死。

空古人間少知音。自鼓自歌君自和。高山流水遺響
淡。

遠遊贈牛方平

日月逝兮子益遊。吾思喪兮少壯秋。吾與子兮征中
州。子亾良馬兮吾靡翰。吾與子兮絕洪流。子亾楫兮
吾靡舟。子與吾兮凌漣漪。吾靡鱗兮子亾鱗。子與吾
兮摩霄漢。吾靡羽兮子亾翰。已矣已矣復胡憂。閭風
圃兮崑崙丘。驂蒼螭兮駕翠蚪。朝涉赤水兮莫次滄
洲。搴瓊枝兮爲子羞。雜鳳毛兮爲吾裘。於戲遊兮莫
虺虺。培塿之州兮夥。坐埃冀吾與子兮相攜。長弗廻

南山歌

朝望南山。南山悠悠。上有千里之白雲。下有一條之
長流。雲來無極。水流不休。鴈鳩鳴矣。草木稠矣。美哉
南山。不知昉乎何秋。又不知終乎何秋。于嗟已矣。千
秋萬歲。吾魂陟茲脩丘。

周南先生文集卷之一 終

周南先生文集卷之二
 長門山縣孝孺次公著
 泰恒伯恒輯
 山縣曾彦子祺校
 門人
 松鬱唐崎浦花明志賀都風波來萬里壯志愧雄圖
 今年復行役落日向東州津樹春雲合驛樓山雨淫

周南先生文集卷之二

長門山縣孝孺次公著

男泰恒伯恒輯

門人山縣曾彦子祺校

五言律

過大湖

甸服趨東道。嶽陽開大湖。城樓含日月。地勢擁荆吳。
 松鬱唐崎浦。花明志賀都。風波來萬里。壯志愧雄圖。

江州

今年復行役。落日向東州。津樹春雲合。驛樓山雨淫。

乾坤故壘在。晝夜大江流。徙倚憐風物。龍鍾獨自憂。

東都巡撫使來會。是七月七日。

大夫方跋涉。漢節向秋天。遠問諸侯國。徧休黔首肩。風煙望治世。稼穡見豐年。那似尋河使。空來織女邊。

晚次山代二首

縣民作紙爲產

行經山代縣。跬步不離山。木總千章富。人多一世閒。朝踰度索谷。夕宿鑿空關。丞老頗重聽。延賓雞黍間。不問沿溪田。偏祈楮穀年。杵聲千嶂夜。板影一方天。犬吠白雲裏。鹿眠黃樹前。史成論貨殖。風俗欲相傳。

宿大津二首

山河王者險。風雨五湖秋。關吏知終孺。館人疑孟侯。頭顱良可識。志意往將休。思待青牛過。逢迎紫氣浮。游子瀟湘夜。關山愁裏人。蕭條迷異縣。搖落泣孤臣。蟋蟀傍空館。哀鴻度遠津。樓樓猶若此。警駕競雞晨。

駿州道中逢故人

匹馬悲征役。相逢風雪中。虞卿笠屨在。范叔綈袍空。蓮嶽雲猶闕。萍洲途已窮。君今從此去。何處問春鴻。

岐蘓道中三首

蘓溪搖落後。行李日蕭條。俯仰羈心迫。悲歡華髮饒。飛梁跨嶽嶭。馳馬下峇窵。賴藉五丁役。于今通使輶。

躍馬人安在。于今白帝城。山河霸業已。天地功名輕。
 夕日牛羊下。寒村竹樹清。峽中十一驛。夢寐聽溪聲。
 問訊巴姬宅。溪邊青艸深。鮑鮪當晝下。蟋蟀以陰吟。
 更會秋風起。轉沾行客襟。長安明月夜。何里拭寒砧。
 月夜次梁溪君韻

淒風吹月明。披坐倚軒楹。露結樹無影。雲飛潮有聲。
 琴樽過客樂。翰墨主人清。仰見銀河轉。餘歡不滿情。
 長安送澁谷子西歸
 佳麗帝王州。花時却倦遊。鳴鞭多壯志。把袂抱殷憂。
 微雨灞陵暗。疎鐘長樂流。片帆浮淀水。莫使子規愁。

初月

嫦娥弄半環。懸寄碧虛間。上苑蟲初響。塞天鴻未還。
 曾將白璧剖。更與雕弧彎。何若張京兆。畫眉爲遠山。

夜雨

東都作

一夜高齋雨。千門鴻雁秋。行藏憐短髮。去住信懸疣。
 故國山河隔。中原日月流。家書久不至。事事集心頭。

題海北到上人隱居

雲根嫌尚淺。更入一層深。月惹人間影。風銜天上音。
 煮茶溪底葉。摘栗井邊林。唯有老猿睡。似知禪者心。

十四夜梁溪君見邀

八月秋方好。清暉滿海城。樹疎烏鵲起。潮進魚龍驚。摘藻陪高會。銜杯寄賞情。雖為明夜約。誰與卜陰晴。

次朝鮮李東郭韻

今宵真可惜。塵裏見神仙。誰識從遊日。還為遠別年。詩留千載業。人在一方天。春樹滄溟外。雁書何處傳。

呈朝鮮嚴龍湖三首

俊才君自在。書記故翩翩。珥筆辭王國。執圭馳日邊。長裾光紫海。雄劍倚青天。特使勞征役。明時為重賢。猶言花滿縣。且去泛星查。百里絃歌絕。千秋翰墨誇。海州望寶氣。日域喻雲霞。更向東方往。京師已不遐。

嚴官歷縣令

猶有辨詩相。雞林大雅存。軒軒諸子氣。濟濟何王門。芳躅千秋覩。朱顏九月溫。安當長歲序。談笑對青樽。

遊鑿官伴氏得月樓

在東都作

突兀橫湖出。煙雲壓檻來。風投一樓落。波向兩崖開。漱口玉壺水。振衣琪樹隈。酒闌方得月。此境固雄哉。

醉吟

英名空海內。骨朽竟何歸。太醉須如死。放歌莫自違。灞陵將軍馬。秦邸故人衣。應被塞翁笑。弃捐從是非。

月下懷友

南郭宅集

山月有何意。當樓照寂寥。驚人玉樹響。送雁銀河遙。應作剡溪雪。寧無浙浦潮。相思不相見。歡樂奈良宵。

奉和羽林小倉滕公

中郎方貴倨。愛士却風流。梁苑春雲麗。淮南秋樹幽。人將蹤跡遠。情賴和歌周。安得冲天翮。登君五鳳樓。

雨中遊山寺

春雲含雨色。蕭瑟滿空山。花落僧房寂。鳥鳴禪榻閑。世緣從此薄。僊蹟且應攀。簪珥是何物。相逢日損顏。

中秋

淡淡輕雲合。微微素月圓。不眠過半夜。乍霽仰中天。

陋巷我詩酒。危樓他管絃。振衣風露淨。獨立意飄然。

柳下生之東都日將謁子遷賦此為贈

未遭脫穎日。歷落混三千。長鈇清霜夜。孤絃明月天。不無後傑士。誰謂疎狂賢。往過東都市。市南逢子遷。

奉賀掣鷹獲雁

條鏃耀風雪。高飛擊巨鴻。猛威尤早服。逸氣遂長充。難比羽毛大。獨存爪觜雄。非因操縱妙。爭奏超倫功。

中秋無月得鳴字

瀟瀟灑灑水下。黯黯海雲生。天上已無月。世間空有情。樓臺絃管噪。洲渚雁鴻鳴。還似送人後。不聞談笑聲。

對景綠荷翻。一葉秋風。影入水天不覺。微瀾灑木石。無礙。試雲生。天上月。無尺。對開。空水。

中秋無月詩

蟾光匿手大。對亦水。試非因。對猶。故。年。表。頭。命。以。新。鏡。默。風。雲。高。張。響。耳。風。絲。短。火。早。潮。聲。岸。裏。更。水。

奉賀學士

不無。對。對。士。錦。帶。舞。玉。環。益。盛。東。階。在。市。南。金。子。步。未。盤。欲。展。日。登。紫。氣。三千。身。短。衣。露。交。麻。鞋。所。見。天。時。不。坐。大。東。階。日。泚。臨。于。墨。題。北。風。飄。

周南先生文集卷之二終

